

Slobodan Milošević izručen Hagu

Visoki predstavnik, Wolfgang Petritsch, pozdravlja odluku vlade Srbije da pošalje Slobodana Miloševića, bivšeg jugoslovenskog predsjednika, Međunarodnom krivičnom sudu za zločine počinjene na području bivše Jugoslavije u Hagu.

Ovo je očigledno bila veoma teška odluka za srbijansku Vladu, dvanaest godina od dana kada je Milošević održao svoj zloglasni govor na Kosovu, koji mnogi smatraju uvertirom u raspad bivše Jugoslavije. To je razlog više za Visokog predstavnika da pokaze kako cijeni odluku koja je donesena.

Kako se smatra glavnim krivcem za sukobe u Bosni i Hercegovini, pojavljivanje Slobodana Miloševića pred sudom za ratne zločine je od ključnog značaja za razvoj mirovnog procesa u Bosni i Hercegovini. Pravda mora biti vidljivo zadovoljena samo takvim postupkom će se saznati prave činjenice i ocijenjena pojedinačna krivica.

Visoki predstavnik očekuje da će se i ostali, kao što su vođe bosanskih Srba Radovan Karadžić i Ratko Mladić, koje je Tribunal u Hagu na isti način optužio za ulogu koju su odigrali u krvavom ratu u Bosni i Hercegovini, uskoro pojaviti pred sudom u Hagu.